

戰國策正解

西周
東周

和書門	
二四五〇	類
六六〇	函
五	架
一五	册

220

內閣文庫	
四	和書
五	類
七〇	函
一三	架
二	册

內閣文庫	
番號	和 24570
冊數	13(1)
函號	191 330

儒家十四ノ一



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



策戰國策正解序

戰國策非支流也。其書有原。有流。有
道。出行入矣。湖官行人。掌親諸侯聘
以結其好。聞問以給其志。諸侯之
亦有成。問殷聘。春秋之禮。意欲春秋
國其士大夫。為國使。春秋之禮。意欲
國其士大夫。為國使。春秋之禮。意欲



琴戰國策正解序

戰國策非史流也。夫書有原有流。流者。

蓋出行人矣。周官行人掌親諸侯。時聘

以結其好。閒問以諭其志。諸侯之邦交。

亦有歲問。殷聘。在朝之禮焉。故春秋列

國。其士大夫爲國使者。君之榮辱因之。

國之利害係焉。孔子曰。使於四方。不辱

君命。可謂士矣。又曰。使乎使乎。孔子之取士。意可見矣。下及戰國。上以傾奪爲賢。下以功利爲榮。於斯時也。行人之流。遂爲從橫權謀。其詐諛傾覆。干賞蹈利。機智百出。神奇不測。慎戰議兵者。亦不可不知焉。至秦并天下。破壞列國爲郡縣。廢絕對侯。置守令。無復由施其術也。

於是其徒患業之不傳焉。輯錄其雋永。號曰策。策謀也。當屬兵家。而在權謀者也。然而以戰國之成敗多在策中。及司馬遷修史記。收而錄之。劉向父子乃誤屬史家。自是厥後。史氏因之。視以爲古史。世之惑者。或繩以春秋之鑿。乃謂亂史害乎名教。夫書有原有流。事從流別。

言隨事異矣。故詩自詩。易自易。百家分別。各無相亂也。如其以不說象數。而致慊於詩。爲雅頌不具。而遺憾於易。則可謂惑矣。以是觀之。賚褒貶勸懲之義於兵家權謀之書者。豈非不知其類也歟。吾友順藏嘗註國策。名曰正解。去季之夏。徵序于余。時余隴行有日矣。不遑筆

研也。今秋東歸。即來相見。把手喜其無恙。乃曰。予之正解。閒者有欲爲我捐資以槩行者。予不佞。以未定書。不甯許之。已而思之。季踰知命。身且多病。時者難值而易失。不於時以問。在則恐不得當。已聞多方之匡正矣。乃遂許之。則刻且成。所乞一言。不識果否乎。余乃言曰。戰



國策。其流蓋出於行人。行人之職。使於四方。其容止辭令之儀。觀本國之炎。交際盟約之信。結與國之好。覽山川之險易。觀城郭之高卑。視朝廷之禮灑。見君臣之賢否。雖不必在列陣行軍之間。而自有兵機之在焉。其流為從橫權謀。則所謂棄於孔子者也。然由衰周而來。征

討攻伐。莫不奇伏變詐。以徼幸一切之勝矣。雖則正義順應之師。而不豫知其情。以警備。則亾以應卒。赴急也。孔子曰。臨事而懼。夫臨事而懼者。必欲知彼情。欲知彼情者。近視諸國策。譬猶懸明鏡以待。妍媸黑白。弗能逃其情也。里語曰。明鑑所以照形。古事所以知今。然則孔

子之於國策。豈無所取也哉。今子之此舉。意其在茲邪。順藏笑而不荅。余於國策無所更言。遂以斯言為序。順藏攷據之確。發明之多。讀者自知之。

文政九年歲在丙戌菊月江都太田善士

子龍撰



戰國策正解序也。而其時言如曰。無策戰國策者。蓋當時之雜記。而秦人之所編錄也。其事則從橫傾奪。其言則譎誑功利。終之六國。以此喪其國。秦以此失其天下。策士令其終者。蓋亦鮮矣。雖間有彼善於此者。要亦不足以為訓也。然則斯書可廢與。曰。何可廢也。夫治必稱

唐虞三代亂必言春秋戰國春秋則左傳國語存焉戰國則舍斯書而何在太史公所據亦唯斯而已矣書曰與治同道罔不興與亂同事罔不亡夫法治戒亂古今常典然不審其所由而徒稱言而已則不去就失路而背馳者幾希矣且夫舜禹大聖也而其相告戒曰無若

丹朱傲惟慢遊是好傲虐是作罔晝夜頡頏罔水行舟朋淫于家用殄厥世則知空言之諄諄不若指行事之著明矣然則欲知戰國之所以為戰國安可不讀斯書也孔子曰三人行必有我師焉擇其善者而從之其不善者而改之蓋曰法善改惡善惡皆可以為我師也是

故詩之美刺共存之。春秋善惡并記。爲以示勸懲。孔門之教。蓋爲然也。若夫曰害乎名教。而飭戒子弟。令勿披覽者。徒知善之可以爲法。而不知惡之可以爲戒也。其諸異乎。夫子之教。與詩曰。人知其一。莫知其他。其此之謂也。噫。拘儒一唱。是固說。而曲學隨而和之。斯書殆束

閣焉。夫古書之傳于今。孰能無誤。然士子所朝夕誦習。隨誤隨正。是以不至大誤。今斯書尤多舛訛者。是誰之過。與吾愍其如此。既讎校數本。善者從之。可者據之。又其他片言隻辭。苟可以爲徵者。采撫以參互訂正。然後取諸說之長。附以管窺。不獨解文義。間有是正存焉。故

并命曰戰國策正解其所不知闕如以
竦後之君子極知不自揣之甚不免於
蕪穢之責冀人之好我摘其過謬若其
護短蔽拙為之辭者吾亦不敢

文政甲申仲冬冬至前一日

東都 橫田惟孝順藏敘



戰國策正解凡例

一戰國策高誘注本三十三篇有國別而無細目蓋
劉向之舊也鮑彪合為十卷東西周易地各國出
細目更撰次章條今欲盡復舊而坊本行已久遽
改之有不便於質訪者故姑從之
一東西周為列國非周王也而鮑彪以西周為王係
之安王赧王謬矣吳師道辨之詳矣而今猶存之
者亦以便於質訪焉
一斯書在漢初既鎔亂雖經劉向撰次而既無細目
則世代有不可得而辨者矣鮑吳聚訟均之屬臆

見其疑者闕而可也。故今置而不論焉。

一地名沿革。歷代不一。在彼尚闕明。况於我乎。故概而不釋。其不得已者。唯曰某某地。某某邑耳。

一諸本異同不尠。舉之於注中甚煩。故各章下附考異。所謂高本。高誘注本。姚宏所校。即姚本也。坊本坊間所刻。鮑吳注本也。曾鞏蘇頌錢藻劉敞孫朴晁以道校本。今皆不傳。皆係姚宏所校。纂穆文熙戰國纂也。其餘今世通行本。及諸家藏本也。若其與子史異同者。不可枚舉。其有關係者。而後舉焉。一秦策末李斯爲秦客卿章。楚策末楚人有好以弱

弓微繳加歸鴈之上者章。高本不載。而鮑吳亦無注焉。非策之舊也。明矣。不審何人所添。今姑從坊本而載之。并解之。

一本邦儒先注解行于世者。獨碕哲夫戰國策考。關君長高注補正而已。其他益亦有之矣。我未之見也。聞有清人陸隴其所著戰國策去毒者。求之數年而未之得也。豈海舶未齎耶。抑亦希有。而吾力不能得也。欲必得之而校焉。殆似俟河清。於是欲刻之家塾。則幸有出橐裝助費者。遂趣命工從事云。

橫田惟孝識

一、本原周文王時行于丹水... 一本原周文王時行于丹水... 一本原周文王時行于丹水... 一本原周文王時行于丹水... 一本原周文王時行于丹水... 一本原周文王時行于丹水... 一本原周文王時行于丹水... 一本原周文王時行于丹水... 一本原周文王時行于丹水... 一本原周文王時行于丹水...

戰國策正解卷一

橫田惟孝著

西周

周孝王封其弟於河南為西周，其後河南惠公復自封其少子於鞏，河南為西周，鞏為東周，顯王時趙與韓分周為二，於是東西周各為列國，周王徒守虛位，征伐策謀盡出於兩周。

安王


凡一章

嚴氏為賊而陽堅與焉。

與音預，下同。嚴氏嚴遂，使聶政刺韓相傀。孟之會，聶政陽堅刺相兼君，是陽堅與也。

君留之十四日，載以乘車駟馬而遣之。

乘繩證反。○道周謂堅出亡過周，乘車謂非兵車也。按韓子嚴遂不善周君，患之，馮沮曰：嚴遂相而韓傀貴於君，不如行賊於韓，傀則君必以為嚴氏也。由此觀之，堅蓋韓人，而或嘗韓潛與周通謀者，故出亡道周，周君亦厚遇之也。



使人讓周周君患之讓謂責以厚陽堅客謂周君曰正語之

曰寡人知嚴氏之為賊而陽堅與之故留之十四日

以待命也小國不足以容賊君之使又不至是以遣

之也語魚據反使所吏反○語告也正語謂顯然而告也待命謂待韓之命小國西周自謂也容賊而

謂容保陽堅也

考異

堅諸本作賢曾本作堅按韓策亦作堅故今從之謂周君下諸本無日字今從高本

赧王

凡七章

周共太子死有五庶子皆愛之而無適立也共恭同適丁歷

反○周紀云西周武公之共太子死適主也司馬翦謂楚王曰何不封公

子咎而為之請太子咎音鼻為于偽反下為大同○鮑彪曰司馬楚卿疑即昭翦愚

謂封即下文資之以地是也左成謂司馬翦曰周君不聽是公之

智困而交絕於周也言專為公子咎請太子而周君不聽則翦之智困窮而楚周之

交斷絕也不如謂周君曰孰欲立也微告翦翦令楚王資

之以地言封欲立者以為之資助○微密也公若欲為太子

因令人謂相國御展子廩夫空曰王類欲令若為之

此健士也居中不便於相國相息亮反下同○為猶助也欲為太子謂欲助

為太子者以地也鮑彪曰楚相之御姓展廩字同小臣也空其名類猶似也碣哲夫曰令若之若恐翦誤得之此指翦也言相國聞王欲令翦為太子之事而又恐翦居中用事不便於己則必不使他人矣

相國令之為太子相國果令翦之周助為太子者也

考異

翦今一本資作奉

謂齊王曰。王何不_下以地齎周最。以為太子也。齊王令

司馬悍以賂進周最於周。夫曰。凡言謂言為不人者。

皆自為自記也。言或言客或稱名皆聞記也。愚按此

司馬悍謂齊王而王乃使悍也。齊資通即上章資之

也。以地左尚謂司馬悍曰。周不聽。是公之智困而交絕

於周也。公不如謂周君曰。何欲置令人微告悍。悍請

令王進之以地。置猶立也。據下章先以此言左尚以

此得事。以得尊寵用事也。

考異悍劉本作釋。賂一本作地。坊本無請字。今從高本。

司寇布為周最謂周君曰。君使人告齊王。以周最不

肯為太子也。臣為君不取也。為周為君于偽反。下為

齊同。○高誘曰。司寇布

也。周臣函冶氏為齊太公買良劍。公不知善。歸其劍而

責之金。越人請買之千金。折而不賣。將死而屬其子

曰。必無獨知。折。食列反。屬音燭。○高誘曰。齊太公田

公。函。姓。冶。官。名。也。因。以。為。氏。知。鑄。冶。曉。鐵。理。能。相。劍。

太。公。不。知。其。劍。善。故。歸。之。而。責。其。買。劍。金。愚。謂。秦。以

一。鑑。為。一。金。鑑。二。十。兩。折。苟。子。折。閱。之。折。損。也。千。金

猶。未。盡。其。本。賈。故。折。損。而。不。賣。與。越。人。也。越。人。亦。未

為。真。知。其。良。也。蓋。函。冶。氏。獨。知。其。良。終。身。不。賣。至。死

悔。悟。故。戒。其。子。曰。凡。有。售。必。使。眾。知。其。良。不。可。獨。知

也。今君之使最為太子。獨知之契也。天下未有信之

者也。關。君。長。曰。兩。契。相。合。為。信。今。君。立。最。為。太。子。是

良。劍。也。知。獨。知。為。信。故。天。下。未。有。信。之。者。也。愚。謂。猶。函。治

之於齊也。君為多巧。最為多詐。關。君。長。曰。讓。之。於。最。猶。令。最。讓。之。列。子。曰。

戰國策上解

卷一

三

後周國痛

將嫁於衛注嫁猶行也此似是義恐齊王以爲中周君實欲立果而令最讓而不肯立以行中之於齊也

何不買信貨哉奉養無有愛於最也使天下見之扶奉

用反養羊尚反○信貨衆所信之貨以喻周最也愛猶惜也言最之奉養無有愛惜使天下皆知立最爲

太子乃所謂信貨也穆文熙曰布之爲最游說不足道然謂太子不可獨知則深有得于重國本之道焉

考異

果爲君之本爲坊本作謂無齊下之也字

秦令穉里疾以車百乘入周周君迎之以卒甚敬力

呈反乘繩證反下同○高誘曰疾秦公子名也其里有大穉樹因號穉里子也百人爲卒甚敬敬穉里疾也

楚王怒讓周以其重秦客

高誘曰頃襄王之子懷王之一

孫也怒周敬重秦客故責讓之也游騰謂楚王曰昔智伯欲伐公由

遺之大鐘載以廣車因隨入以兵公由卒亡無備故

也

公音求遺唯季反卒子律反○高誘曰游騰周臣也智伯晉卿智襄子孫也公由狄國或作仇首也

廣大車也公由貪大鐘之賂開道至桓公伐蔡也號

言伐楚其實襲蔡高誘曰桓歸蔡姬未絕蔡人嫁之故伐蔡也不欲令蔡知故詐言誅

楚也愚謂號猶名也今秦者虎狼之國也兼有吞周

之意使穉里疾以車百乘入周周君懼焉以蔡公由

戒之故使長兵在前強弩在後名曰衛疾而實囚之

也周君豈能無愛國哉恐一日之亡國而憂大王楚

王乃悅高誘曰秦欲吞滅諸侯故謂虎狼國也恐不敬其使一日之中以滅亡國而爲大王憂也

穆文熙曰游騰對楚雖則權辭實爲防變之策衛疾實囚何其婉而切也

考異

坊本今秦下無者字戒作惑

雍氏之役。韓徵甲與粟於周。高誘曰：雍，韓別邑也。楚攻韓圍雍氏，故曰：役。

事也。韓召兵及糧於周也。周君患之，告蘇代。蘇代曰：「何患焉？代能為君令韓不徵甲與粟於周，又能為君得高都。」周君

大悅，曰：「子苟能寡人請以國聽。」為于偽反，令力呈反。蘇代，蘇秦弟也。高

都，韓邑。聽從也。蘇代遂往見韓相國，公中曰：「公不聞楚計乎？昭應謂楚王曰：『韓氏罷於兵，倉廩空，無以守城。吾攻之以饑，不過一月必拔之。』」相息亮反，罷音疲。高誘曰：韓公侈為相國也。昭應，楚將，鮑彪曰：得城曰拔，如拔物。然，愚謂此代述昭應之言也。今圍雍氏，五月不能拔，是楚病也。楚王始不信昭應之計矣。今公乃徵甲與粟於周，此告楚病也。昭應聞此，必勸楚王益兵守

之。以饑，不過一月必拔之。相息亮反，罷音疲。高誘曰：韓公侈為相國也。昭應，楚將，鮑彪曰：得城曰拔，如拔物。然，愚謂此代述昭應之言也。今圍雍氏，五月不能拔，是楚病也。楚王始不信昭應之計矣。今公乃徵甲與粟於周，此告楚病也。昭應聞此，必勸楚王益兵守

之。以饑，不過一月必拔之。相息亮反，罷音疲。高誘曰：韓公侈為相國也。昭應，楚將，鮑彪曰：得城曰拔，如拔物。然，愚謂此代述昭應之言也。今圍雍氏，五月不能拔，是楚病也。楚王始不信昭應之計矣。今公乃徵甲與粟於周，此告楚病也。昭應聞此，必勸楚王益兵守

之。以饑，不過一月必拔之。相息亮反，罷音疲。高誘曰：韓公侈為相國也。昭應，楚將，鮑彪曰：得城曰拔，如拔物。然，愚謂此代述昭應之言也。今圍雍氏，五月不能拔，是楚病也。楚王始不信昭應之計矣。今公乃徵甲與粟於周，此告楚病也。昭應聞此，必勸楚王益兵守

之。以饑，不過一月必拔之。相息亮反，罷音疲。高誘曰：韓公侈為相國也。昭應，楚將，鮑彪曰：得城曰拔，如拔物。然，愚謂此代述昭應之言也。今圍雍氏，五月不能拔，是楚病也。楚王始不信昭應之計矣。今公乃徵甲與粟於周，此告楚病也。昭應聞此，必勸楚王益兵守

之。以饑，不過一月必拔之。相息亮反，罷音疲。高誘曰：韓公侈為相國也。昭應，楚將，鮑彪曰：得城曰拔，如拔物。然，愚謂此代述昭應之言也。今圍雍氏，五月不能拔，是楚病也。楚王始不信昭應之計矣。今公乃徵甲與粟於周，此告楚病也。昭應聞此，必勸楚王益兵守

之。以饑，不過一月必拔之。相息亮反，罷音疲。高誘曰：韓公侈為相國也。昭應，楚將，鮑彪曰：得城曰拔，如拔物。然，愚謂此代述昭應之言也。今圍雍氏，五月不能拔，是楚病也。楚王始不信昭應之計矣。今公乃徵甲與粟於周，此告楚病也。昭應聞此，必勸楚王益兵守

雍氏。雍氏必拔。病困也。始，初先也。告，楚病猶告。病於楚也。守，謂圍守而去。公中

曰：「善。然吾使者已行矣。」代曰：「公何不以高都與周？公中怒曰：『吾無徵甲與粟於周，亦已多矣。何為與高都？』」

代曰：「與之高都，則周必折而入於韓。秦聞之，必大怒。而焚周之節，不通其使。是公以弊高都得完周也。何不與也？」使所吏反。多猶過當也。折，屈也。謂屈節合韓也。節，符信。行者所執也。弊，破也。公中

曰：「善。不徵甲與粟於周，而與高都，楚卒不拔雍氏而去。」卒，子律反。穆文熙曰：無徵甲粟，所以不示楚病。與之高都，所以激秦之怒。上策易識，下策難見。故公中始怒而終善之。

考異：坊本中作「仲弊作」，故。

後周國策

後周國策

後周國策

後周國策

後周國策

後周國策


後周國策

薛公以齊為韓魏攻楚。又與韓魏攻秦。而藉兵乞食於西周。為于偽反、除為和餘皆同、籍在夜、韓慶為西周謂薛公曰。君以齊為韓魏攻楚。九年而取宛葉。以北以強韓魏。今又攻秦以益之。韓魏南無楚憂。西無秦患。則地廣而益重。齊必輕矣。夫本末更盛。虛實有時。竊為君危之。宛於表反、葉舒涉反、夫音扶、更音庚、必危、君不如令弊邑陰合於秦。而君無攻。又無藉兵乞食。君臨函谷而無攻。令弊邑以君之情謂秦王曰。薛公必不破秦。以張韓魏。所以進兵者。欲王令楚割東國以與齊也。秦王出楚王以為和。令力呈反、下同、

攻周、下無攻、謂無攻秦、函谷關名、張大也、東國、楚之東地、近齊南境者、出猶歸也、是時張儀誘楚懷王會秦、秦留之、言下秦歸楚王、以與齊和也、君令弊邑以此惠秦。秦得無破。而以楚之東國自免也。必欲之。楚王出必德齊。齊得東國而益強。而薛世世無患。秦不大弱。而處之三晉之西。三晉必重齊。處昌呂反、○三晉、韓魏趙、本皆晉卿、分晉而君之、故曰三晉、言三晉畏秦、故重齊也。薛公曰。善。因令韓慶入秦。而使三國無攻秦。而使不藉兵乞食於西周。三國、齊、魏、韓也、

考異坊本無、年下而字、以強之以作為、合於之於、作為、高本無、不破之不字、坊本齊也、之也、作而、惠作、惠、無、章末、西字、

三國攻秦反。西周恐魏之藉道也。籍在夜反、○三國、齊、魏、韓也、反還也、



魏道西周西周有為西周謂魏王曰楚宋不利秦之

德三國也彼且攻王之聚以利秦為于偽反○德謂

三國不攻秦而解故秦德之秦德之則和而不利於

魏王懼令軍設舍速東令力呈反○關君長曰設疑

考異 一本德 作聽

韓魏易地西周弗利也利便樊餘謂楚王曰周必亡矣

韓魏之易地韓得二縣魏亡二縣所以為之者盡包

二周多於二縣九鼎存焉盡津忍反○樊餘周臣也

而獨言亡者且魏有南陽鄭地三川而包二周則楚

亡多於得也方城之外危韓兼兩上黨以臨趙即趙羊腸以上危

故易成之日楚趙皆輕以上之上時掌反○南陽在

鄭國之地時亡而屬韓三川河洛伊秦拔成臯滎陽

初置三川郡方城山名上黨兩屬韓魏今韓并得之

故曰兼兩上黨羊腸趙險塞楚王怒因趙以止易也

考異 曾本餘下有為周字坊本因 趙下有兵字章末無也字

秦攻魏將犀武軍於伊闕進兵而攻周將子匠反○

敗誤下章可以見矣水經注禹疏龍門以通水兩山

相對若闕故謂之伊闕蓋犀武欲救周軍于此而秦

擊而敗之遂進為周最謂李兌曰君不如禁秦之攻

周趙之上計莫如令秦魏復戰為于偽反○令力呈反

趙魏彪曰李兌趙司寇禁猶止今秦攻周而得之則

衆必多傷矣。秦欲持周之得，必不攻魏。秦若攻周而

不得，前有勝魏之勞，後有攻周之敗，又必不攻魏。猶得

勝也，前，前日也，勝魏之勞，謂敗犀武之軍，後，後日也。今君禁之，而秦未與魏講

也，而全趙令其止，必不敢不聽。是君却秦而定周也。

講和也，魏敗秦勞，而趙獨全，故曰全趙。言以全趙止勞秦之攻周也。秦去周，必復攻魏。

魏不能支，必因君而講，則君重矣。支猶拒也，言魏必因李兌而與秦和。

若魏不講而疾支之，是君存周而戰秦魏也。重亦盡

在趙。關君長曰：疾者，急速強壯之謂。

犀武敗於伊闕，周君之魏求救，魏王以上黨之急辭

之。魏之救兵敗，而秦兵遂進而攻周，故周君之魏求救，而魏王以上黨被兵急辭而不救之也。周

君反見梁囿而樂之也。樂音洛，下同。梁，魏都也。囿者，蕃育鳥獸之所。綦母

恢謂周君曰：溫囿不下，此而又近，臣能為君取之。為及，下為王同。綦母恢，周臣。溫，魏邑名也。言其樂不在梁下，而又近周。反見魏王。王曰：

周君怨寡人乎？對曰：不怨且誰怨乎？臣為王有患也。

言周君怨魏，故為王患之也。周君謀主也，而設以國為王扞秦而

王無之扞也。臣見其必以國事秦也。按昭九年左傳：王曰：我在伯父，

猶民人之有謀主也。杜預曰：周為共主，天下所宗，故曰謀主也。此稱周君者，蓋是時周王徒守虛位，威權

策謀盡在周君故也。設以國謂陳設國兵也。扞禦也。言周為魏禦秦，而魏不為周扞禦，此其所以怨也。

秦悉塞外之兵，與周之衆，以攻南陽，而兩上黨絕矣。

塞先代反。○兵師道曰：是時魏上黨被兵，若周秦攻南陽，則魏又當禦其攻，而上黨絕，愚謂兩字疑衍。此

其所以為魏王曰然則奈何綦母恢曰周君形不好

王患也小利事秦而好小利今王許戍三萬人與溫囿周君

得以為辭於父兄百姓而私溫囿以為樂必不合於

秦好呼報反○形形勢也猶曰為久也事秦而好小

利六字疑誤衍戍守邊也百姓百官也私猶愛也

言周君為人不好小利不可以小利解怨今王許戍

與囿周君得以為辭於父兄百官而愛溫囿以為樂

必不合於秦是臣嘗聞溫囿之利計歲八十金周君

可以解怨也

得溫囿其以事王者歲百二十金是上黨無患而贏

四十金八十金魏人貢其上之數百二十金周許魏

力上黨故無患贏有餘賈利也與八十金之囿而得

百二十金故曰贏四十金此言不獨可以解怨而於

魏亦魏王因使孟卯致溫囿於周君而許之戍也

便也

考異高本無為君之君字坊本私作利

犀武敗周使周足之秦周足或謂周足曰何不謂周

君曰臣之秦秦周之交必惡主君之臣又秦重而欲

相者且惡臣於秦而臣為不能使矣臣願免而行君

因相之彼得相不惡周於秦矣相息亮反○主君指周君

也按昭二十九年左傳齊侯唁公稱主君子家子曰

齊卑君矣注云比公於大夫此書稱周君或為謀主

或為主君或為大王當時稱呼錯亂不可準以禮也

又字疑必字殘剩為使也楚懷王策為其行人請魏

之相臣為不能使猶使臣不能使也趙孝成王策葺

之軸令折矣言周之臣必秦重之而欲相者見其重

之且惡臣於秦而使臣不能使矣欲以代臣為相是

其周秦之交所以必惡也臣願免相而行君因相其

欲者彼已得相不惡周於秦君重秦故使相往行而

矣此或教周足謂周君語也

後形圖藏

免是輕秦也。公必不免。行而免，言將相也。公言是而行。交

善於秦，是公之成事也。交惡於秦，不善於公者，且誅

矣。周君以為此人惡周於秦，故誅也。以上或與周足相謀語也。

考異 為不能使坊本作不能為使是輕高本坊本共作且輕今從一本是公高本作且公成事

坊本作事成

蘇厲謂周君曰：敗韓魏，殺犀武，攻趙，取蘭離石祁者

皆白起。是攻用兵，又有天命也。敗必邁反。蘇厲亦及離石屬西河祁屬太原白起秦將武安君也。鮑彪曰：蘭

梁必破。破則周危。君不若止之，謂白起曰：楚有養

由基者，善射，去柳葉者百步而射之，百發百中。左右

皆曰：善。有一人過曰：善射，可教射也矣。養由基曰：人

皆善，子乃曰可教射，子何不代我射之也？客曰：我不

能教子。支左屈右。夫射柳葉者，百發百中，而不以善

息少焉，氣力倦，弓撥矢鉤，一發不中，前功盡矣。今公

破韓魏，殺犀武，而北攻趙，取蘭離石祁者，公也。公之

功甚多。今公又以秦兵出塞，過兩周，踐韓，而以攻梁，

一攻而不得，前功盡滅。公不若稱病不出也。射之射柳之射

食亦反，過音戈，中丁仲反，夫音扶，塞先代反，盡滅之盡津忍反，支左屈右謂左手張文弓，右手屈持筈也。撥反，鉤曲也。公破之，公恐行。

考異 也矣。劉本錢本共無也字。人皆下共有曰字，不以高本作不已。

戰國策正解 卷一 後形圖藏

後形圖藏

後形圖藏

後形圖藏

後形圖藏

楚兵在山南吾得將為楚王屬怒於周為于偽反屬音燭○山南

周之山南吾得楚將也開君長曰楚兵在或謂周君

曰不如令太子將軍正迎吾得於境而君自郊迎令

天下皆知君之重吾得也因泄之楚曰周君所以事

吾得者器名曰謀楚王必求之而吾得無効也王必

罪之令力呈反將讀如與名銘同○軍正軍吏見史記司馬穰苴傳泄之楚謂漏其言使楚聞之也

周與吾得謀楚故名器云然也効致也

考異

坊本怒作怨諸本器下有必字今從一本一本作器必多且歸楚

楚請道於二周之間以臨韓魏周君患之高誘曰臨猶伐也

蘇秦謂周君曰除道屬之於河韓魏必惡之齊秦恐

楚之取九鼎也必救韓魏而攻楚楚不能守方城之

外安能道二周之間若四國弗惡君雖不欲與也楚

必將自取之矣屬音燭惡烏路反○洪邁曰除治也言治道迎楚師也愚謂韓魏惡楚假

道於周齊秦恐楚伐韓魏還取九鼎也方城楚塞也四國齊秦韓魏也與謂與鼎也

考異

上二周坊本作兩周蘇秦作蘇子

秦召周君周君難往難乃旦反○難往不欲往也或為周君謂魏

王曰秦召周君將以使攻魏之南陽王何不出兵於

河南周君聞之將以為辭於秦而不往周君不入秦

秦必不敢越河而攻南陽為周之為于偽反○為辭謂以魏兵在河南為辭也

周君之秦謂周最曰不如譽秦王之孝也因以原為

太后養地秦王太后必喜是公有秦也交善周君必

以為公功交惡勸周君入秦者必有罪矣魯音餘養

謂或謂也原周邑也太后昭王母宣太后也養地供

養之地湯沐邑也有秦猶得秦也勸周君入秦者周

最也言周君入秦交善則固最之功也交

惡則最必得罪故不如譽孝入原得秦也

秦欲攻周周最謂秦王曰為王之國計者不攻周攻

周實不足以利國而聲畏天下不攻周猶言可無攻

聲名也言周地編小得之不足以利天下也實謂土地人民

必東合於齊兵弊於周而合天下於齊則秦孤而不

王矣王于況反是天下欲罷秦故勸王攻周秦與天

下俱罷則令不橫行於周矣罷音疲○俱同也言秦

者同則威令不

縱橫行於周矣

宮他謂周君曰宛恃秦而輕晉秦飢而宛亡他徒多

表反○宮他周臣穀不熟曰鄭恃魏而輕韓魏攻蔡

而鄭亡魏攻蔡不得救邾莒亡於齊陳蔡亡於楚齊

王策莒恃越而滅蔡恃晉而亡邾陳未詳恃何國按

史記邾莒皆楚滅之而此曰亡於齊若作楚與下句

孰是未知此皆恃援國而輕近敵也今君恃韓魏而輕

秦國恐傷矣君不如使周最陰合於趙以備秦則不

毀援于秦反○言

考異

作攻秦坊本

後周國策

八十八章

戰國策正解

卷一

後周圖

戰國策正解卷一終

戰國策正解卷二

橫田惟孝著

東周

說見西周

惠王

凡二十六章

秦興師臨周而求九鼎。周君患之。以告顏率。顏率曰。大王勿憂。臣請東借救於齊。周臣顏率至齊。謂齊王曰。夫秦之為無道也。欲興兵臨周而求九鼎。周之君臣內自畫計。與秦不若歸之大國。夫存危國。美名也。得九鼎。厚實也。願大王圖之。齊王大說。發師五萬人。使陳臣思將以救周。而秦兵罷。

夫音扶。下同。說音悅。將子匠反。○陳臣思。

戰國策正解

後周圖

即田臣思也齊將求九鼎周君又患之顏率曰大王

勿憂臣請東解之顏率至齊謂齊王曰周賴大國之

義得君臣父子相保也願獻九鼎不識大國何塗之

從而致之齊問其路齊王曰寡人將寄徑於梁顏率

曰不可夫梁之君臣欲得九鼎謀之暉臺之下少海

之上其日久矣鼎入梁必不出寄託也寄徑猶言假

訓東方曰大渚曰少海注東方多水故曰少海亦澤名齊王曰寡人將寄徑於

楚對曰不可楚之君臣欲得九鼎謀之於葉庭之中

其日久矣若入楚鼎必不出葉舒涉反○葉楚縣名王曰寡人

終何塗之從而致之齊顏率曰弊邑固竊為大王患

之夫鼎者非效醢壺醬甄耳可懷挾提挈以至齊者

非效鳥集烏飛兔興馬逝○耳字疑衍離然流通無壅離然可至於齊者為于偽

一鼎而九萬人輓之九九八十一萬人士卒師徒器

械被具所以備者稱此今大王縱有其人何塗之從

而出臣竊為大王私憂之被皮寄反稱尺證反○士

徒即輓鼎者也鮑彪曰被具士卒所服用具稱齊王

曰子之數來者猶無與耳顏率曰不敢欺大國疾定

所從出弊邑遷鼎以待命齊王乃止數色

考異坊本畫作畫實作寶王大下無說字塗並作

晉譚曾本馬作鳧可至諸本作止一字今從一本坊本伐作代得九鼎凡一鼎而曾本作凡得九鼎而鼎坊本器械作械器竊作切來下無者字

秦攻宜陽周君謂趙累曰子以為如何對曰宜陽必

拔也宜陽韓邑趙累周臣君曰宜陽城方八里材士十萬粟支

數年公仲之軍二十萬景翠以楚之衆臨山而救之

秦必無功數色主反材士之士之對曰甘茂羈旅也

攻宜陽而有功則周公且也無功則削迹於秦秦王

不聽羣臣父兄之議而攻宜陽宜陽不拔秦王耻之

臣故曰拔羈旅寓也謂非世臣也言甘茂非世臣有功則當為相無功則不得留秦王不聽衆

議而攻宜陽不拔耻之故曰拔也君曰子為寡人謀且奈何對曰君

謂景翠曰公爵為執珪官為柱國戰而勝則無加焉

矣不勝則死不如背秦援宜陽公進兵秦恐公之乘

其弊也必以寶事公公仲慕公之為己乘秦也亦必

盡其寶為寡為己之為于偽反背音佩接于眷反盡津忍反○執珪楚爵道應訓注楚爵功臣賜

以圭謂之執圭比附庸之君柱國楚卿慕猶願也盡其實謂盡致其實也穆文熙曰秦韓相拒權在景翠

翠有秦私故宜陽可拔趙累之辭蓋以利害動之而堅其救韓之心也愚謂以上累之設辭以下記者之言

秦拔宜陽景翠果進兵秦懼遽効煮棗韓氏果亦

効重寶景翠得城於秦受寶於韓而德東周煮棗秦邑城即

煮棗城也荷恩為德謂使東周荷恩也王應麟曰宜陽韓邑也周葛為謀之剥膚也宜陽舉而周隨之矣

考異趙累坊本作周累焉矣曾本作耳

東周與西周戰。韓救西周。為東周謂韓王曰。西周者。故天子之國也。多名器重寶。按兵而勿出。可以德東周。西周之寶可盡矣。為于偽反。盡津忍反。言按兵勿出。則可使東周荷其恩。西周欲韓出兵。故可盡致其寶矣。

東周與西周爭。西周欲和於楚韓。和二國以齊明謂為已接。東周君曰。臣恐西周之與楚韓寶。令之為已求地於東周也。令力呈反。為于偽反。下同。指楚韓也。已指西周也。不如謂楚韓曰。西周之欲入寶。持二端。今東周之兵不急。西周之寶不入楚韓。持二端。言東兵急。則入不急。則已。楚韓欲得寶。即且趣我攻西周。西周寶出。是我為楚韓取寶以德之也。

西周弱矣。趣音促。楚韓德東周。則必不為西周之用矣。故西周弱也。

東周欲為稻。西周不下水。東周患之。為謂種之。蘇子謂東

周君曰。臣請使西周下水。可乎。乃往見西周之君曰。君之謀過矣。今不下水。所以富東周也。今其民皆種麥。無他種矣。君若欲害之。不若一為下水。以病其所種。下水。東周必復種稻。種稻而復奪之。若是則東周之民可令一仰西周。而受命於君矣。西周君曰。善。遂下水。蘇子亦得兩國之金也。復扶又反。令力呈反。仰魚向反。

考異 坊本無遂下水三字

昭獻在陽翟。周君將令相國往。相國將不欲。令力呈反。下同。

相息亮反、下同。○韓策楚昭獻相韓將不之將恐衍蘇厲為之謂周君曰楚王與魏王遇也主君令陳封之楚令向公之魏楚韓之遇也主君令葉公之楚令向公之韓今昭獻非人主也而主君令相國往若其王在陽翟主君將令誰往周君曰善乃止其行。向舒亮反、葉舒涉反、陳向葉皆位在相下。秦假道於周以伐韓周恐假之而惡於韓不假而惡於秦史鯨謂周君曰君何不令人謂韓公叔曰秦敢絕塞而伐韓者信於周也公何不與周地發重使使之楚秦必疑不信周是韓不伐也又謂秦王曰韓強與周地將以疑周於秦寡人不敢弗受秦必無辭而

令周弗受是得地於韓而聽於秦也。

惡並鳥路反、鯨鳥減於點二反、

○令並力呈反、塞先代反、重使之使所吏反、強其良反、鮑彪曰、絕橫渡、塞障也、為垣壘以遮止鄰國往來、愚謂辭而之而讀曰能、易屯卦釋文、鄭氏讀而曰能、

考異

蠶一本作厭、信於之於、諸本作東、今從一本、

楚攻雍氏周赧秦韓楚王怒周周君患之。

雍氏韓邑、赧糧也、時

秦救韓故周以糧餉二國、為周謂楚王曰以王之強而怒周周怒

必以國合於所與粟之國則是勁王之敵也故王不

如速解周怒彼前得罪而後得解必厚事王矣。

為于偽反、

恐並丘勇反、

考異

周君諸本作周之君今從一本、

蘇厲為周最謂蘇秦曰君不如令王聽最以地合於魏趙故必怒合於齊是君以合齊與強楚吏產子

偽反令力呈反○君指秦也王周王也聽許也以地謂割地也故特也吏產子疑當作更贊君贊助也如魏景閔王策王以國贊膠毒之贊按上下最與齊善者蓋最本欲以地合於齊恐王不聽故先詐以地

合於二國試之也厲乃謂秦曰君不如令王許最割地合於二國特必怒最而以地合於齊齊與楚善是君以合齊之故君若欲因最之事則合齊者君也割

齊與楚更贊君也言秦因最割地轉以地合齊則合齊者秦地者最也也割地者最也齊王必善二人矣此厲為最游說也

謂周最曰仇赫之相宋將以觀秦之應趙宋敗三國

考異一本秦作子注云元作秦曾本無故字一本怒作恐以合作全以

三國不敗將與趙宋合於東方以孤秦


之敗必邁反下敗三同○趙使仇赫相宋事見趙武靈王策三國韓魏齊也言三國將與趙宋合於山東諸侯以孤秦也此一節言三國不敗則赫將合於三國也亦將觀韓魏之於齊也

不固則將與宋敗三國

則赫將合於秦也則賣趙宋於三國謂因三國成敗或賣於於秦也此句結上文兩節之意言赫無信也公何不令人謂韓魏之王曰欲秦趙

之相賣乎何不令周最兼相視之不可離則秦趙必相賣以合於王也

趙宋之事而勸周最賣秦趙以兼相韓魏也秦趙之相賣乃最所以賣秦趙也



為周最謂魏王曰。秦知趙之難與齊戰也。將恐齊趙

之合也。必陰勁之。趙不敢戰。恐秦不已。收也。先合於

齊。秦趙爭齊。而王無人焉。不可。○為于偽反。難乃且反。勁之。謂勁趙以兵。

使之與齊戰也。先合於齊。謂秦先趙合於齊也。爭齊。謂爭合於齊也。無人。謂無為魏收齊之人也。王

不去。周最合與收齊。而以兵之急。則伐齊。無因事也。

去疑當作令。與與國。即謂齊也。以用也。言當秦趙爭齊之時。不令最收合與國。而以用兵為急。而伐齊。無因他事而立功之謀也。最善齊者。蓋時在魏。不欲魏伐齊。故客為最游說也。

考異坊本以兵之急。作以兵急之。下更有急之二字。章末之也。作矣。

謂周最曰。魏王以國與先生。貴合於秦。以伐齊。言魏

國與最俱。最之義。以伐齊為貴。時最相魏。故云然。薛公故主。輕忘其薛。不顧

其先君之丘墓。而公獨修虛信。為茂行。明羣臣據故

主。不與伐齊者。產以忿強秦。不可。輕遠政反。行下孟反。○薛公。田文。時

亦相魏。薛其故邑。故曰故主。關君長曰。羣恐君字訛言。最今相魏。而不失信於齊。是虛信也。而自為盛美

之行。明君臣之道。以為據故主之義。不同魏合於秦以伐齊也。愚謂最本仕齊。故曰據故主。此產亦當作贊。言贊

公不如謂魏王薛公曰。請為王入齊。天下不

能傷齊。而有變。臣請為救之。無變。王遂伐之。且臣為

齊奴也。如累王之交於天下。不可。王為臣賜厚矣。臣

入齊。則王亦無齊之累也。為王為救之。為于偽反。○

齊合交。天下畏魏。不能伐齊。若天下怒魏。合齊而伐魏。最帥齊兵。以救之。天下無伐魏。王遂與齊伐之。且

臣與魏伐齊。為齊所怒。若為王之交於天下之累。不可。王使臣入齊。其賜厚矣。臣入齊。則無為齊所怒之

後形圖

後形圖

後形圖

後形圖

後形圖

後形圖

患王亦無齊之累也

考異

高本連前章坊本無者字且臣作且秦

趙取周之祭地。周君患之。告於鄭朝。鄭朝曰。君勿患也。臣請以三十金復取之。周君子之。鄭朝獻之。趙太卜。因告以祭地事。及王病使卜之。太卜譴之曰。周之祭地為崇。趙乃還之。朝直遙反。復扶又反。于音與。譴責罪也。

杜赫欲重景翠於周。謂周君曰。君之國小。盡君之重寶珠玉。以事諸侯。不可不察也。盡津忍反。關君長曰。宜察其所路遺之。

人譬之。如張羅者。張於無鳥之所。則終日無所得矣。張於多鳥處。則又駭鳥矣。必張於有鳥無鳥之際。然

後能多得鳥矣。

鮑彪曰。多鳥處。有觸羅者。傍鳥必覺。覺則羣驚而去矣。

今君將

施於大人。大人輕君。施於小人。小人無可以求。又費

財焉。

關君長曰。大人。蓋謂用事貴臣。應多鳥處。小人。蓋謂無力賤人。應無鳥處。鮑彪曰。均之費財。而

小人多費。則多費。君必施於今之窮士。不必且為大人者。故能

得欲矣。

不疑之字。誤。關君長曰。窮士。應有鳥無鳥處。赫欲重翠。故云。故固也。謂固能得其所欲矣。

穆文熙曰。有鳥無鳥之處。易見。而且為大人者。難識。故必有杜赫之論。而後景翠可重。

考異

坊本者張下有之字

三國監秦。周令其相之秦。以秦之輕也。留其行。

監乙革反。

令力呈反。相息亮反。下同。三國。韓魏齊也。監猶距也。言周相見秦監於三國不進。有人謂相

國曰。秦之輕重。未可知也。秦欲知三國之情。公不如

遂見秦王曰請為王聽東方之處秦必重公重公是

公重周以取秦也為于偽反處昌呂反○處處置謂其所為也取秦謂取交於秦也

齊重故有周而已取齊是周常不失重國之交也故

通齊重國固收周為好周亦既取交於齊今又取秦是常不失重國之交也

考異 坊本無一字

昌他亡西周之東周盡輸西周之情於東周東周大

喜西周大怒馮睢曰臣能殺之君子金三十斤他徒多反

下同盡津忍反予音與○鮑彪曰輸言委以告之馮睢使人操金與書間遺

昌他曰告昌他事可成勉成之不可成亟亡來事久

且泄自令身死因使人告東周之候曰今夕有姦人

當入者矣候得而獻東周東周立殺昌他操七刀反

遺唯季反令力呈反○間遺謂伺其間隙以遺之曰告止身死書中語也候偵候之吏也穆文熙曰馮睢

之遺書昌他乃兵法之因其敵間而用之者也其告候者蓋令吾間以告彼間者也均之謂反間而傾危

甚矣

考異 坊本昌作宮睢作睢使間有且字高本疊亡來二字

昭翦與東周惡或謂昭翦曰為公畫陰計昭翦曰何

也曰西周甚憎東周嘗欲東周與楚惡西周必令賊

賊公因宣言東周也以惡之於王也為于偽反令力呈反○王楚王

也言宣言東周殺翦以令東周與楚惡也昭翦曰善吾又恐東周之賊已

而以輕西周惡之於楚遽和東周鮑彪曰翦惡東必善西善翦則楚

亦因重西矣。東欲壞其交，故賊翦翦死，則西無內主於楚，東因得使楚惡之。

考異 一本嘗作常

周最謂呂禮曰：子何不以秦攻齊？臣請令齊相子以齊事秦，必無處矣。

令力呈反，下同。相息亮反。處呂反。呂禮，秦將也。鮑彪曰：秦攻齊，禮使之也。齊欲免攻，故可使之相禮。關君長曰：處，處置也。蓋言子惟以齊事秦，則必無事之可處置矣。愚謂無處，謂身安也。

子因令最居魏以共之，是天下制於子也。

關君長曰：天下制於子，猶言是子制於天下也。言禮相齊，令最居魏，以共事秦，則禮制於天下也。

子東重於齊，西資於秦，秦齊合，則子常重矣。

考異 坊本處作慮

謂薛公曰：周最於齊王厚也，而逐之，聽祝弗相呂禮

者，欲取秦也。

相息亮反。言齊逐最相禮者，欲因禮以取秦之交也。

與禮重矣，有齊秦必輕君。

言弗與禮有二國之重，而必輕文。君弗如

急北兵，趨趙以秦魏，收周最以為後行，且反齊王之

信，以禁天下之率。

趨音促，行戶剛反。急北兵，謂急也。後行，謂後軍也。最，怨齊逐己，故收之以為後軍也。此言伐齊以敗齊秦之合，反背也。率從也。言秦伐齊，背齊之約，信二國不齊無秦，天下果弗必走齊王誰

與為其國。

史記作齊無秦，則天下集齊親弗必走，吳師道曰：此果字當從史作集，言弗而不及

禮者，齊聽弗而相禮，弗走禮不待言矣。愚謂此言齊無秦，則天下之兵皆集齊，弗禮必走，齊王無與為其

國必重文也。

考異 高本連石行秦章，劉本題起謂字，乃同

坊本高本公作君，坊本以禁之以作反

後形圖

齊聽祝弗外周最逐之出謂齊王曰逐周最聽祝弗

相呂禮者欲深取秦也秦得天下則伐齊深矣相息亮反

○言秦得齊則益強故能得天下之交得夫秦齊合

則趙恐伐故急兵以示秦夫音扶○趙恐齊秦合而

也於秦秦以趙攻與之齊伐趙其實同理必不處矣處

呂反○之疑合誤言秦以趙攻齊與合齊伐趙其故

用祝弗即天下之理也關君長曰齊用弗之

考異

高本連謂薛公章劉本題起齊字乃同坊本關君長曰三章事同文異似不可連

周相呂倉見客於周君前相工師籍恐客之傷己也

因令人謂周君曰客者辨士也然而所以不可者好

毀人

相息亮反見賢通反令力呈反好呼報反○關君長曰定十年左傳有郇工師駟赤注云掌工

匠之官此工師籍蓋官氏也愚按楚策有工陳籍或是人說見彼

周文君免工師籍相呂倉國人不說也君有閔閔之

心相息亮反下同說音悅○鮑彪曰史書東周略甚

豈惠公後有此君邪不然則惠公別稱也鴻烈道

誹譽忠臣令誹在己譽在上宋君奪民時以為臺而

民非之無忠臣以掩蓋之也子罕釋相為司空民非

子罕而善君令力呈反○事見襄十七年左傳無忠

也司空主土工官傳曰子罕親執朴以行禁者是也齊桓公宮中七市女閭七

百國人非之管仲故為三歸之家以掩桓公非自傷

於民也。閭里門也。宮中作市者七處。市各有閭。皆使女子居之。每閭百人。故凡七百。人三歸。臺名。

傷謂非。春秋記臣弑君者以百數。皆大臣見譽者也。

故大臣得譽。非國家之美也。故衆庶成強。增積如山。

數色主反。見譽之譽音餘。○衆庶所說成強。大。增。積不可動如山。言大臣得譽之害也。二句。蓋古語。

君遂不免。卒相倉也。

考異

高本上免下有士字。如山作成。山坊本七市作女市。

溫人之周。周不納。問曰。客耶。對曰。主人也。問其巷而

不知也。吏因囚之。邪以嗟反。○溫邑時屬西周。周並謂東周。客他邦之人。主人自國之

也。君使人問之曰。子非周人。而自謂非客。何也。對曰。

臣少而誦詩。詩曰。普天之下。莫非王土。率土之濱。莫

非王臣。今周君天下。則我天子之臣。而又為客哉。故

曰。主人。君乃使吏出之。少詩照反。○詩小雅北山之篇。普徧率循濱涯也。君天下

謂為天下之君也。

考異

諸本作周不納。客即對曰。主人也。今從一本。

或為周最謂金投曰。秦以周最之齊。疑天下。而又知

趙之難。子齊人戰。恐齊韓之合。必先合於秦。秦齊合。

則公之國虛矣。為于偽反。難乃且反。虛墟同。○金投趙臣也。疑天下。謂以最之齊。疑周齊

與天下合而謀已也。按為周最謂魏王章曰。秦知趙之難。與齊戰也。將恐齊趙之合也。必陰勁之。據是。則

子當作與。韓當作趙。合於秦。當作合於齊。虛。謂國亡而為墟也。公不如救齊。因佐秦

而伐韓魏。上黨長子趙之有已。長丁丈反。○上黨長子皆韓地。開君長曰

蓋齊與韓魏相攻秦救齊趙公東收寶於秦南取地
 從救齊因此佐秦而伐二國
 於韓魏因以困徐為之東則有合矣公東之東當作西秦在西安得
 齊則齊趙有合矣鮑彪曰最時在齊慮有趙患故為
 最謀者移之韓魏也

考異

坊本恐齊下無韓字

周最謂金投曰公負令秦與強齊戰戰勝秦且收齊
 而封之使無多割而聽天下之戰吳師道曰負恃也令字疑合關君長

國大傷不得不聽秦吳師道曰趙恃合於秦以與齊戰不勝則國大傷而聽命於秦
 矣秦盡韓魏之上黨太原西土秦之有已秦地天下

之半也制齊楚三晉之命覆國且身危是何計之道

也盡津忍反○上黨韓地大原魏地西土韓魏之西地也國趙身謂投也言覆趙國危其身是計何之道也謂恃秦與齊戰之甚不可也

考異

高本連前章土作止覆作復錢本劉本令作全錢本西作而

石行秦謂太梁造曰欲決霸王之名不如備兩周辨

智之士行戶郎反王干况反○鮑彪曰大梁造秦將梁作良秦孝十年衛鞅惠文五年公孫衍昭

而不可聽故謂周君曰君不如令辨智之士為君爭於


秦令力呈反為于偽反○關君長曰客既教秦備辨士則爭不能得焉秦必成伯王之名矣蓋石為秦

士又教周君令辨士爭是激而成之也

考異

高本此下連謂薛公及齊聽祝弗二章坊本各見于前今姑從之劉本石行秦作右行楚

凡二十六章



戰國策正解卷二 終

Main text columns containing the content of the 'Shan Chen Cei Zheng Xie' volume, including the '26 chapters' section.

